

不之拒然終無所攀附後就名渠幕僚地產奇花吟玩自適嘗自笑曰古有吏隱風流罪過竊所自甘其任達如此胥民自白門徒籍棠邑者惟自勉一支自勉子字字西臣崇禎十二年恩貢少有才名卒不獲一第順治初與孫石君河漕兄弟同修邑志著有古香堂文集採米萬鍾胥成南墓志銘金陵通傳

吳宗周字從先號思喬年十二喪父事後母以孝聞家貧棄學經商浦口得餘財為人贖罪李千戶荒飲奸人乘醉竊所署印行詐事覺連擬城旦春行斃獄宗周廉其枉為代贖之凡贖人之子若女得復為平民者不可勝數浦瀕江風濤險惡每風作時以急棹往來中流多所極溺一夕宗周渡江宿於舟心動亟易他舟歸俄風作所宿舟覆宗周懸金募救墮水者皆得不死浦城久失修卑

六合縣續志稿

卷十二

人物上

七

圯於江宗周奏記當道曰城受水激則勢不敵即幸成而臨江賊以巨艦乘之固難守請先為堤以捍外外堅則城可完久於是吏協謀屬以董成徵器用辦工材稽出納考勤惰不日而兩工告成宗周之功為多其他修橋梁營名勝活饑饉諸善舉宗周咸勇為之晚年學佛精探內典子嘉禎字源長天啟七年舉於鄉崇禎丁丑成進士官至布政司參議母朱有病嘉禎嘗割股調湯進病良已黃道周謂孝子刲股而成進士自吳源長始是也林黃道周吳公墓表陳子

龍思橋吳公傳徐所處士吳公墓志銘

清汪鉉字爾調號耐庵諸生母有疾籲天刲股願以身代與弟析產一任所取生平篤志於學好積書於經史理學靡不究心為文雄渾灑灑與上元朱嗣宗先生為友與同邑袁漢推朱隼公湯天